

Zeitschrift: Nebelspalter : das Humor- und Satire-Magazin
Band: 90 (1964)
Heft: 29

Artikel: Sinn d Manne dimmer?
Autor: [s.n.]
DOI: <https://doi.org/10.5169/seals-503767>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 05.04.2026

ETH-Bibliothek Zürich, E-Periodica, <https://www.e-periodica.ch>

Sinn d Manne dimmer ?

Daß d Wyber schlau, volle Lischten und abschlaage sinn – das isch und blybt jo en uralt Thema.



Gschichten und Theaterstigg, Ooperen und Kinofilm ohni Zahl lääbe dervoo. Em Saint-Saens sy Oopere «Samson und Dalila» goht jo ganz dirägg zruug uff der biblisch Stoff vom bärestarcke Samson. Mit syner risige Graft isch er de Philischer as e gfährliche Find erschine. Und si hänn rächt ghaa. Er het dausig von ene, esoo verzelt is d Bibel, mit eme Kinibaggegnoche vom enen Eesel z'doodgschlaage. Nadyrlig hänn si en welle verwitsche. Em Samson sy zwaiti Frau isch e Philischeri gsi. Em Samson syni Find hänn si dorum gärn fir e Wärggzyg geegen en bruucht. Abschlaage, wie si gsi isch, het si däm Graftbolle sy Ghaimnis abluxt. Sy Graft het er numme ghaa und bhalte, eso lang er sich d Hor nit het loo schnyde. Wo syni Loggen abgeschnitte gsi sinn – er het harmloos gschloofe derby – do ischs uus gsi und fertig mit syner Graft.

Zmitts in der Stadt kaa me z Basel die baide biblische Gstatte biwunderere – scheen uus Jurakalkstai useghau. Uff eme stainige Brunnestogg stehn si, nit ebbe lääbesgrooß, nai numme 60 Santymeeter hooch. Im ene buffermlige Glaid, wies haabligi Basleren am Änd vom 16. Jahrhundert aaglegt hänn,

schnydet d Dalila mit ere grooße, braite Schär ihrem Maa syni Hor ab und si luegt verschlaagen und häämisch in d Wält derzue, uus eme groobe Gsicht mit zimmlig or-

dinäre Zig. Und är? Naiv und meh as numme harmloos sitzt er voreren am Booden und schlooft und hangt derby eso halber iber ihr linggen Ooberschängel.



Der Kunschtkenner gnießt d Spanning zwische Maa und Frau, s Glychgwicht zwische Rueh und Biweegig. Und unsere hittige Fraue wämmer e nydische Bligg uff die brächtigi Halsgralle vo der Dalila empfähle. De Bueben uus de heechere Schuele, woon ihri Jimpferli eso gärn ganz in der Neechi vo däm Brunne dräffe, wämmer roote, si solle sich die zwai Gstatte guet aaluege und ganz bsunders dä Uusdrugg im Gsicht vom Samson, wo do eso wiescht am Sail aabgeloo wird – fir e Warnig. Si wäre nit die erschte junge Männer, woon ynefliege. No hitte het dä Vårs uus em Johr 1833 sy Giltigkait:

*Es saß die schlaue Delila
Dreihundert Jahre schier schon da
Und zeigte durch ihr Beispiel an,
Wie List die Kraft leicht schwächen
kann,
Auch die Geschicht wirts aufbewahren,
Welch Unheil Basel widerfahren.*

Sälbetsmool isch dä Brunnestogg no an der Rüdegaß gstande. Wo si derno im Johr 1878 d Boscht dert baut hänn, hänn die baide miesen uff der Seyblatz uszieh. Si stehn no hitte dert uff em Brunnestogg vom Barfieserbrunne. Das Staimetzwärgg, e Renaissancen-Arbeit, y glaub der Bildhauer kennt me nit mit em Namme, kennt ebben uus em Johr 1570 stamme. Daß men au ganz sicher syg, der Samson syg do gmaint, das biwyst is e luschtig Phantasie-Woope hinden am Schäämel, wo d Dalila druffsitzt. As ganzi Woopefigur im Schild gsicht me numme graad der Kinibaggegnoche vom enen Eesel. Vom ene wirgglichen Eesel!

Dä Staimetz vo sälbetsmool het nadyrlig nyt vo de junge Basler vo 1964 gwißt ...
Fridolin

Der Corner

Da in einigen Monaten die Europameisterschaften der Orientierungsläufer stattfinden, hat sich die schweizerische Elite in ein Trainingslager begeben. Nach St. Moritz? Nach Gstaad? Nach Ascona? – Nein. In eine SAC-Hütte, die Cabane de Rochefort bei St-Cergue. Die Läufer und Läuferinnen kochen und haushalten dort selber und haben auch den Nachschub auf die 1392 m ü. M. hinauf zu buckeln.

Empörte Frage: Was sind auch das für Spitzensportler, die nicht nach feudalen Hotelzimmern, Spezialmasseuren und dito Köchen, nach dicken Taggeldern aus praller Verbandskasse und Subvention aus dem Bundessäckel stöhnen? – Antwort: Das sind Amateure, ein Artikel mit Seltenheitswert unter den Spitzensportlern.
left Back



Abschied vom Leser

Man schrieb mir jüngst ich sei veraltet, ein harter Vorwurf. Doch ich habe mein Pfund gewissenhaft verwaltet und mit der angeborenen Gabe gewuchert, Euch zu Nutz und Frommen, obzwar nicht allen, doch den wenigen die mit mir fühlen. Dank denjenigen!

Elsa von Grindelstein

